

Adroddiad i'r:	Pwyllgor Archwilio Partneriaethau
Dyddiad y Cyfarfod:	14 Medi 2017
Aelod/Swyddog Arweiniol:	Aelod Arweiniol Safonau Corfforaethol / Pennaeth Gwella Busnes a Moderneiddio
Awdur yr Adroddiad:	Rheolwr Diogelwch Cymunedol
Teitl:	Diweddariad Blynyddol Partneriaeth Diogelwch Cymunedol 2016-2017

1. Am beth mae'r adroddiad yn sôn?

- 1.1 Mae adroddiad gweithgarwch a pherfformiad y Bartneriaeth Diogelwch Cymunedol yn seiliedig ar y cyd-flaenoriaethau partneriaeth a nodwyd yn ystod Archwiliad Troseddau Gogledd Cymru sy'n cael ei gynnal yn flynyddol. Mae Bwrdd Cymunedau Mwy Diogel Gogledd Cymru yn cytuno ar y blaenoriaethau ac yn llunio cynllun gweithredu y mae'n ei fonitro. Yn lleol, rydym ni'n gweithredu'r cynllun hwn drwy ddadansoddi beth sy'n digwydd yn ein hardal a gweithredu datrysiadau lleol.

2. Beth yw'r rheswm dros lunio'r adroddiad hwn?

- 2.1 Pwrpas yr adroddiad hwn yw rhoi gwybod i'r Pwyllgor Archwilio Partneriaethau am weithgarwch y Bartneriaeth Diogelwch Cymunedol ar y Cyd yn 2015/16 a'r Blaenoriaethau Lleol ar gyfer 2017-2018.

3. Beth yw'r Argymhellion?

- 3.1 Argymhellir bod y Pwyllgor Archwilio Partneriaethau yn rhoi sylwadau ar gynnwys y cynllun gweithredu a'r adroddiad perfformiad amgaeedig.

4. Manylion yr adroddiad

- 4.1 Sefydlwyd y Bartneriaeth Diogelwch Cymunedol yn 1998 i ddatblygu a gweithredu strategaethau a chynlluniau gweithredu i leihau trosedd ac anrhefn. Roedd gan bob Awdurdod ei Bartneriaeth Diogelwch Cymunedol ei hun. Deng mlynedd yn ôl fe unodd timau Partneriaeth Diogelwch Cymunedol Cyngor Bwrdeistref Sirol Conwy a Chyngor Sir Ddinbych yn un tîm unigol, gyda CBSC yn brif gyflogwr.

Mae Gwella Busnes a Moderneiddio yn arwain o ran rheoli'r Bartneriaeth Diogelwch Cymunedol yn Sir Ddinbych.

4.2 Mae trefn cyfarfodydd y Bartneriaeth Diogelwch Cymunedol yn cynnwys:

- Grŵp Llywio Strategol - sy'n cyfarfod deirgwaith y flwyddyn – Cynrychiolwyr Cyngor Sir Ddinbych; Pennaeth Gwella Busnes a Moderneiddio (**Alan Smith**), Aelod Arweiniol Safonau Corfforaethol (**y Cyng. Mark Young - Mai 2017**)
- Grŵp Gweithredu – grŵp gweithredol sy'n cyfarfod pob chwarter i drafod problemau sy'n codi – gyda Rheolwr Cynllunio a Gwarchod y Cyhoedd (**Emlyn Jones**) a'r Swyddog Cynllunio Strategol (**Carol Evans - Mai 2017**) yn cynrychioli Cyngor Sir Ddinbych
- Grŵp Tasg Ymddygiad Gwrthgymdeithasol – a gynhelir bob mis gyda'r Uwch Swyddog Gorfodaeth (**Tim Wynne-Evans**) yn mynychu ar ran Cyngor Sir Ddinbych.

4.3 Dyma oedd blaenoriaethau 2016-2017:

1. Lleihau trosedd ac anhrefn yn yr ardal – Blaenoriaethau Lleol/Rhanbarthol

- 1.1. Lleihau troseddau sy'n seiliedig ar y dioddefwr
- 1.2. Lleihau ymddygiad gwrthgymdeithasol
- 1.3. Cefnogi pobl ddiamddiffyn er mwyn eu hatal rhag dioddef troseddau
- 1.4. Lleihau troseddau sy'n seiliedig ar y dioddefwr ac ymddygiad gwrthgymdeithasol a ailadroddir er lles dioddefwyr a chyflawnwyr
- 1.5. Gweithio gyda Chynhadledd Amlasiantaeth Asesu Risg i reoli nifer y bobl sy'n dioddef o gam-drin domestig dro ar ôl tro
- 1.6. Ymdrin yn effeithiol ag achosion risg uchel o gam-drin domestig a thrais rhywiol
- 1.7. Gwella hyder pobl o ran rhoi gwybod am gam-drin domestig a thrais rhywiol
- 1.8. Cynyddu ymwybyddiaeth pobl ifanc o drais rhywiol

2. Mynd i'r afael â chamddefnyddio sylweddau yn yr ardal – Blaenoriaeth Genedlaethol / Rhanbarthol

- 2.1. Lleihau nifer y bobl sy'n camddefnyddio sylweddau

3. Lleihau aildroseddu – Blaenoriaeth Genedlaethol / Rhanbarthol

- 3.1. Oedolion yn aildroseddu
- 3.2. Plant a phobl ifanc yn aildroseddu

4. Blaenoriaethau lleol penodol

- 4.1. Ymateb yn briodol i droseddau amgylcheddol
- 4.2. Lleihau troseddau sy'n gysylltiedig ag eiddo trwyddedig a thacsis
- 4.3. Gwella hyder pobl o ran rhoi gwybod am ymddygiad gwrthgymdeithasol i'r awdurdod lleol
- 4.4. Mynd i'r afael â manau ymddygiad gwrthgymdeithasol problemus mewn partneriaeth

4.5 Mae gan bob maes blaenoriaeth nifer o ddangosyddion perfformiad i fonitro cynnydd a thueddiadau troseddau. Rydym ni'n adolygu'r ystadegau pob chwarter yn y Grŵp Gweithredu ac yn cymryd camau priodol i fynd i'r afael ag unrhyw fater sy'n codi.

- 4.6 Gweler ynghlwm diweddariad ar y cynllun gweithredu ar gyfer 2016-2017 (**Atodiad 1**).
- 4.7 Gweler ynghlwm diweddariad ar berfformiad 2016-2017 (**Atodiad 2**).
- 4.8 Gweler ynghlwm strwythur y bartneriaeth er gwybodaeth (diweddariad mis Mai 2017) (**Atodiad 3**).

5. Sut mae'r penderfyniad yn cyfrannu at y Blaenoriaethau Corfforaethol?

- 5.1 Mae gwaith y Bartneriaeth Diogelwch Cymunedol yn cyfrannu at gyflawni blaenoriaethau cynllun Lles Sir Ddinbych.

Mae'r gwaith hefyd yn cyfrannu at flaenoriaethau gwasanaeth y Gwasanaethau Cynllunio a Gwarchod y Cyhoedd.

6. Faint fydd yn ei gostio a sut fydd yn effeithio ar wasanaethau eraill?

- 6.1 Mae prosiectau partneriaeth y Cynllun Gweithredu yn cael eu hariannu'n llawn gan grantiau, fodd bynnag bydd pob gwasanaeth yn dyrannu swm penodol o gyllid i gefnogi canlyniadau yn uniongyrchol ar gyfer lleihau trosedd yn Sir Ddinbych.
- 6.2 Mae'r Bartneriaeth Diogelwch Cymunedol yn derbyn cyllid grant penodol i ddarparu Cynllun Diogelwch Cymunedol. Mae'r cynllun hwn yn cael ei gymeradwyo gan yr holl awdurdodau cyfrifol sy'n rhan o Grŵp Strategol y Bartneriaeth Diogelwch Cymunedol.

Mae cyllid Partneriaeth Diogelwch Cymunedol Sir Ddinbych fel a ganlyn:

(a) Cyllid Atal Troseddau Ieuenctid - £166,939 - Cyllid Llywodraeth Cymru sy'n ceisio lleihau nifer y troseddwr ifanc sy'n aildroseddu.

(b) Cyllid Comisiynydd yr Heddlu a Throsedd - £27,063 - Cyllid Llywodraeth Ganolog ar gyfer materion lleol ac ymddygiad gwrthgymdeithasol.

(c) Cyllid Cydlynnydd Cam-drin Domestig a Swyddog Trais Domestig Annibynnol - £37,500 - cyllid gan Lywodraeth Cymru ar gyfer cyflwyno a gweithredu Polisi a Strategaeth Cam-drin Domestig.

7. Beth yw prif gasgliadau'r Asesiad o'r Effaith ar Les?

Mae'r Asesiad o'r Effaith ar Gydraddoldeb ynghlwm (**Atodiad 4**).

8. Pa ymgynghoriadau a gynhaliwyd gydag Archwilio ac eraill?

- 8.1 Yn 2015 ymgynghorodd y Bartneriaeth Diogelwch Cymunedol ynghylch Cynlluniau Gweithredu 2015-2017 gyda'r holl awdurdodau cyfrifol (Cyfarwyddwyr a Phenaeithiaid

Gwasanaeth yr Awdurdodau Lleol, Gwasanaeth Tân ac Achub, yr Heddlu, y Gwasanaeth Prawf Cenedlaethol ac Iechyd).

- 8.2 Mae'r Bartneriaeth Diogelwch Cymunedol yn adrodd yn flynyddol i Bwyllgor Archwilio Partneriaethau'r Cyngor.
- 8.3 Mae'r Bartneriaeth Diogelwch Cymunedol yn adrodd yn ôl yr angen i'r Uwch Dîm Arweinyddiaeth.

9. Datganiad y Prif Swyddog Cyllid

- 9.1 Dylid cynnwys cost darparu'r cynllun yn y cyllid allanol sydd ar gael.

10. Pa risgiau sydd yna ac oes yna unrhyw beth y gallwn ei wneud i'w lleihau?

- 10.1 Y brif risg yw nad ydym ni'n gwybod beth fydd y cyllid diogelwch cymunedol ar gyfer 2018-2019. I liniaru'r risg bydd pob achos busnes yn gadarn a bydd gan bob prosiect a ariennir ganlyniadau clir yn unol â gofynion y grant.

11. Pŵer i wneud y Penderfyniad

- 11.1 Deddf Trosedd ac Anhrefn 1998

- Deddf Diwygio'r Heddlu 2002
- Adran 19 a 20 Deddf yr Heddlu a Chyfiawnder
- Rheoliadau (Trosolwg ac Archwilio) Trosedd ac Anhrefn 2009
- Mae Adran 7.15.2 yn nodi bod y Pwyllgor Archwilio Partneriaethau, yn ei rôl fel Pwyllgor Trosedd ac Anhrefn y Cyngor, yn gyfrifol am sicrhau bod buddiannau, adnoddau a blaenoriaethau'r Cyngor yn cael eu hadlewyrchu yng ngwaith y Bartneriaeth Diogelwch Cymunedol, yn unol ag adrannau 19 a 20 Deddf yr Heddlu a Chyfiawnder 2006.

Swyddog Cyswllt:

Rheolwr Partneriaeth Diogelwch Cymunedol

Rhif ffôn: 01492 575190